

2018年04月13日 中環在線：香港後生仔 六成月光族 (李華華)

中環在線：香港後生仔 六成月光族

7,971

讀 9



■右起為Visa香港公共關係總監何嘉雯、寧波第二中學企業、會計與財務概論科主任蕭振武、香港教育大學教育政策與領導學系講師何振聲。



大家成日話要及早教理財，等啲後生仔唔好先使未來錢，不過有調查發現十個香港青少年，有六個曾經係「月光族」！

調查訪問1,270名年齡介乎15歲至19歲嘅中學生，發現九成人明白審慎理財重要性，不過超支情況仍然常見，近六成受訪學生曾經試過超支，其中三分一係長期月光族，每年有三個月或以上嘅時間入不敷支；另外只有9%人表示有詳細紀錄個人開支。

現任寧波第二中學（其中一間受訪中學）嘅蕭sir就話，對調查結果唔意外，眼見近年學生嘅消費模式轉變，例如一放假或者畢業，學生就會去旅行，「就近嘅」飛韓國、日本，誇張啲就飛歐洲。

不過佢都明白，咁多平機票，加上學生哥係最無負擔嘅年紀。Any肥，佢就希望可以再早啲同做多啲理財教育，畢竟將來依然「搵幾多，使幾多」嘅話，都唔會儲到錢。

Visa連續四年贊助「全港通識理財問答比賽」下星期一正式展開，各位中學生不妨測試吓自己嘅財務管理認識夠唔夠。

李華華 🍎

李華華
LiWaWa@AppleDaily.com

1 2 3

06:43pm 【私通北韓】傳美曾考慮列農行、建行人黑名單

06:16pm 【買家夠癲】太古城再誕樓王 呎價24.057破盡紀錄 1,003

05:59pm 【樓市降溫】萊坊：全球貨幣政策正常化 樓價升幅放緩 568

05:56pm 【共享單車】螞蟻金服、復星 7億美元領投哈羅單車 818

05:55pm 【深水埗奇則】平台大過間屋5倍 逸新劈價17%易手 2,304

影片

焦點

要聞

突發

娛樂

兩岸

國際

財經

果籽

體育

WONDI